

პროგრამა: „შუახევის მუნიციპალიტეტის თანადაფინანსებითი სოფლად
მცხოვრები ქალების სოციალურ-ეკონომიკური გაძლიერება“



პროგრამის მიზანი



➤ ადგილობრივ დონეზე გენდერული თანასწორობის პოლიტიკის გაძლიერების ხელშეწყობა, მათ შორის სოფლად მცხოვრები ქალთა ეკონომიკური გაძლიერება და სოციალური ინკლუზიის ხელშეწყობა;



➤ იმ ოჯახების სოციალურ ეკონომიკური გაძლიერება, რომელთა მიმდინარე/სამომავლო საქმიანობა მიმართული ადგილობრივი წარმოების ზრდის, ტურისტული პოტენციალის განვითარების, საოჯახო მეურნეობის გაფართოებისა და პოპულარიზაციისკენ;



➤ ქალების მეტი ჩართულობისა და გააქტიურებისათვის ზრუნვა, ქალების, როგორც საზოგადოების სრულფასოვანი და თანაბარუფლებიანი წევრების განვითარების ხელშეწყობა.

კრიტერიუმები



-შუახვევის მუნიციპალიტეტის ტერიტორიაზე რეგისტრირებული 18 წელს მიღწეული საქართველოს მოქალაქე, ფიზიკური პირი ქალი ან ქალთა საინიციატივო ჯგუფი, რომელსაც პროექტის გამარჯვების შემთხვევაში წარმოეშობა ინდივიდუალურ მეწარმედ ან იურდიულ პირად დარეგისტრირების ვალდებულება;



-ინდივიდუალური მეწარმე;

-მეწარმე იურდიული პირი.



პროექტები მხოლოდ განმცხადებელი პირის ნამუშევარს უნდა ასახავდეს. პლაგიატის შედეგად კონკურსიდან პროექტს დაუყოვნებლივი დისკვალიფიკაცია მოჰყვება

კონკურსში მონაწილეობა ეზღუდებათ:



ბენეფიციარს, რომელიც არის აღნიშნული პროგრამის კონკურსში გამარჯვებული გასულ წლებში;



პირს, რომელსაც აქვს საბანკო დავალიანება, ყადაღა და რეგისტრირებულია მოვალეთა რეესტრში;



საჯარო მოხელეს.

- დაინტერესებულ პირებს მხოლოდ ერთი პროექტის შემოტანის უფლება აქვს კონკურსის ფარგლებში.
- მერია უფლებას იტოვებს, არ შეარჩიოს არც ერთი განაცხადი, იმ შემთხვევაში, თუ სათანადოდ არ დააკმაყოფილებს შერჩევის კრიტერიუმებს.

პროგრამის განხორციელების ეტაპები



1. პროექტის ბიზნეს-იდეის განაცხადის წარდგენა;



2. პროექტის ბიზნეს-იდეის განაცხადის შეფასება;



3. ტრენინგი;



4. პროექტის ბიზნეს-გეგმის განაცხადის წარდგენა;



5. პროექტის ბიზნეს-გეგმის განაცხადის შეფასება;



6. ადგილზე ვიზიტი;



7. გასაუბრება;



8. გამარჯვებული ბენეფიციარების გამოვლენა და ხელშეკრულების გაფორმება;



9. გამარჯვებული პროექტის მიმდინარეობის მონიტორინგი;



10. დამატებითი მონიტორინგი.

პრიორიტეტული მიმართულებებია



ტურიზმი. ტურისტული სერვისები, ტურიზმთან დაკავშირებული წარმოება, ნებისმიერი სახის მომსახურება, (ინოვაციური იდეები, რომელიც ხელს შეუწყობს შუახევის მუნიციპალიტეტში აგრო და ეკო ტურიზმის განვითარებას).



სოციალური/საგანმანათლებლო საკითხები.



სოფლის მეურნეობის მეორადი პროდუქტების წარმოება.

საქმიანობასთან დაკავშირებული შეზღუდვები



1. სოფლის მეურნეობის პირველადი წარმოება;



2. სატრანსპორტო საშუალებების შეძენა;



3. ბიოლოგიური აქტივის შეძენა (მაგ: მსხვილფეხა და წვრილფეხა პირუტყვი, ფრინველები, ფუტკრები და ა.შ.);



4. ალკოჰოლური სასმელების წარმოება ან/და ვაჭრობა;



5. თამბაქოს წარმოება ან/და ვაჭრობა;



6. პროექტის განხორციელების ეტაპზე რაიმე სახის ანაზღაურების მიღება;



7. რელიგიური ღონისძიებები.

უპირატესობა ენიჭება



❑ ახალი ბიზნესის წამოწყებას;



❑ ახალგაზრდა (29 წლის ასაკის ჩათვლით) სუბიექტის (ქალის) მიერ ბიზნესის დაწყება/გაფართოებას;



❑ მარტოხელა სტატუსის მქონე მშობლის (დედის) მიერ ბიზნესის დაწყება/გაფართოებას;



❑ მრავალშვილიანი სტატუსის მქონე მშობლის (დედის, რომელსაც ოთხი ან მეტი 18 წლამდე შვილი ჰყავს) მიერ ბიზნესის დაწყება/გაფართოებას;



❑ შეზღუდული შესაძლებლობის მქონე პირის ქალის (შემდგომში შშმ პირი) მიერ ბიზნესის დაწყება/გაფართოებას;



❑ ძალადობის მსხვერპლი ქალის მიერ ბიზნესის დაწყება/გაფართოებას;



❑ საარსებო შემწეობის მიმღები ოჯახის წევრის ქალის, რომელთა სარეიტინგო ქულა არ აღემატება 120 000-ს, ბიზნესის დაწყება/გაფართოებას;



❑ ომის ვეტერნის ოჯახის წევრის (მეუღლე, შვილი) ბიზნესის დაწყება/გაფართოებას.

აღნიშნული კატეგორიის პირმა უნდა წარმოადგინოს შესაბამისი დამადასტურებელი დოკუმენტი, დანართის სახით .

პროგრამით გათვალისწინებული დახმარება



პროექტი გულისხმობს მცირე ბიზნესის განვითარების ხელშეწყობას, რომელიც მუნიციპალიტეტის მერიის მხრიდან ერთი პროექტი არა უმეტეს 7 000 ლარით იქნება დაფინანსებული.



- პროექტის მინიმალური ბიუჯეტი 1000 ლარი.
- პროექტის მაქსიმალური ბიუჯეტი 7 000 ლარი.



- პროგრამა დაფინანსდება, გამარჯვებული პირის/ჯგუფის თანამონაწილეობით.
- ფინანსური თანამონაწილეობა უნდა შეადგენდეს განმცხადებელის მოთხოვნის თანხის 15 %-ს, აღნიშნული პროგრამის ფარგლებში პრიორიტეტიზებული კონკურსანტისთვის 10 %-ს.



- ❖ თანამონაწილეობად ჩაითვლება მხოლოდ ფინანსური მონაწილეობა.
- ❖ შესაძლებელია მხოლოდ გრძელვადიანი (1 წელზე მეტი) აქტივის შეძენა.
- ❖ პროგრამა განხორციელდება შუახევის მუნიციპალიტეტის ტერიტორიაზე

გამარჯვებული ბენეფიციარის მიერ წარმოსადგენი დოკუმენტაცია ხელშეკრულების გაფორმებამდე



- ბიზნეს განაცხადის პროექტი;
- პირადობის დამადასტურებელი დოკუმენტი;
- ბიზნესის განხორციელების ადგილის საკუთრების უფლების, ფლობის ან/და სარგებლობის დამადასტურებელი დოკუმენტი. საკუთრების უფლების ამონაწერი (განახლებული, 2023 წლის მდგომარეობით) საჯარო რეესტრიდან ან ბიზნესის განხორციელების ადგილის, საქართველოს სამოქალაქო კოდექსის შესაბამისად დროებით სარგებლობის ფორმებით მიღების დამადასტურებელი ხელშეკრულება, რომლის მოქმედების ვადაც განისაზღვრება არანაკლებ 1 (ერთი) წლით. ამასთან, თუ შუახვევის მუნიციპალიტეტის მერიას და ბენეფიციარს შორის ხელშეკრულების გაფორმების მომენტში, მეწარმე სუბიექტის მიერ წარდგენილ იქნა უკვე გაფორმებული მოქმედი ბიზნესის განხორციელების ადგილის სარგებლობის ფორმით მიღების დამადასტურებელი 1 (ერთი) წლიანი ხელშეკრულება, რომლის მოქმედების ვადაც სრულდება მეწარმე სუბიექტსა და შუახვევის მუნიციპალიტეტის მერიას შორის ხელშეკრულების გაფორმებიდან ერთ წელზე ნაკლებ ვადაში, ხელშეკრულების მოქმედების ვადის დასრულების შემთხვევაში ბენეფიციარი ვალდებულია წარადგინოს განახლებული დოკუმენტი, რომლის მოქმედების ვადაც არ იქნება მასსა და შუახვევის მუნიციპალიტეტის მერიას შორის ხელშეკრულების გაფორმებიდან ერთ წელზე ნაკლები;
- გადასახადის გადამხდელ ფიზიკურ პირად/ინდივიდუალურ მეწარმედ რეგისტრაციის დამადასტურებელი დოკუმენტი;
- საბანკო ანგარიშის რეკვიზიტები;
- ცნობა, რომ მეწარმე სუბიექტს არ გააჩნია ვადაგადაცილებული დავალიანება და ანგარიშზე ყადაღა კომერციულ ბანკში, რომლიდანაც წარმოადგენს ანგარიშის რეკვიზიტებს;
- ცნობა, ყადაღის არ ქონის შესახებ;
- ამონაწერი მოვალეთა რეესტრიდან;
- იმ შემთხვევაში თუ საქმიანობა საჭიროებს ადგილობრივი მუნიციპალიტეტის შესაბამისი სამსახურის/უწყების თანხმობას/ნებართვას, სავალდებულოა წარმოადგენილ იქნას ხელშეკრულების გაფორმებამდე;
- ქალთა ჯგუფის მონაწილეობის შემთხვევაში – ჯგუფის წევრთა თანხმობები, რომელიც დამოწმებული უნდა იყოს ნოტარიული წესით ან/და ხელმოწერილი კომისიის მდივნის თანდასწრებით;
- ინვოისი.

ხელშეკრულების გაფორმების შემდეგ ბენეფიციარმა უნდა წარმოადგინოს:



- თანამონაწილეობის და პროგრამის თანხის გახარჯვის დამადასტურებელი დოკუმენტაცია.
- ა) პროდუქციის/მომსახურების მიწოდების დამადასტურებელი დოკუმენტებია:
 - სასაქონლო ზედნადები (RS.GE);
 - საგადასახადო დოკუმენტი(RS.GE);
 - ანგარიშ-ფაქტურა (RS.GE);
- ბ) თანხის გადახდის და ზემოაღნიშნული დოკუმენტებით გაწეული ხარჯის ანაზღაურების დამადასტურებელი დოკუმენტებია:
 - სალაროს ქვითარი (იმავე ოდენობაზე);
 - ბანკის გადარიცხვის ქვითარი (იმავე ოდენობაზე);
 - კომერციული ბანკის სალარო (POS) ტერმინალის ქვითარი.
 - ჩგდ - ჩეკთან გათანაბრებული დოკუმენტი (იმავე ოდენობაზე);
- სალაროს შემოსავლის ორდერი (მხოლოდ ანგარიშ-ფაქტურის გამოწერის შემთხვევაში)(1)
- (1) პროდუქციის/მომსახურების მიმწოდებელი რეგისტრირებული უნდა იყოს გადასახადის გადამხდელად, რომელიც უზრუნველყოფს „ა“ და „ბ“ პუნქტებში ჩამოთვლილი დოკუმენტაციის გაცემას, გარდა იმ შემთხვევისა როდესაც ფიზიკური პირთან ფორმდება შრომითი ხელშეკრულება მომსახურებაზე, რაზედაც წარმოსადგენი იქნება კონკრეტულ პირთან დაკავშირებული საშემოსავლო გადასახადის დეკლარაცია, სადაც წარმოდგენილი იქნება ინფორმაცია აღნიშნული პირის საშემოსავლო გადასახადით დაბეგვრის შესახებ.

ბიზნეს იდეების მიღება



ბიზნესი იდეების განაცხადების მიღების ბოლო ვადა ამა წლის 21 ივლისი.



ბიზნესი იდეის შემოტანის წესი: შუახევის მუნიციპალიტეტის მერიის კანცელარია

ელფოსტაზე მოწოდება: kancelaria.shuakhevi@gmail.com



მუნიციპალიტეტის თანადაფინანსებითი სოფლად
მცხოვრები ქალების სოციალურ-ეკონომიკური
გაძლიერება



591 98 20 19



[www. shuakhevi.gov.ge](http://www.shuakhevi.gov.ge)